



BIBLIOTHECA
UNIV. JAGELL.
CRACOVIAE

kat.komp.

393926

Mag. St. Dr.

III

Biblioteka Jagiellońska



stdr0005407



P O M V M
A V R E V M

In lance aureæ Libertatis

LVDOVICÆ
MARIÆ GONZAGÆ

Niuerſi & Rhetelenſiū Principi

VLADISLAIIV

Poloniæ & Sueciæ Regis Potentiſſimi

PER AVGVSTÆ CONSORTII
DIVINITVS OBLATVM

Festo ac ſolenni ſuæ Inaugurationis Die

EIDEMQVE

MAIESTATI SERENISSIMÆ

Inter publicos Gratulantium Regni
Ordinum Plauſus

REPRÆSENTATVM

Idibus Iulij.

Andreas Kanon Scripſit

ANNO REGNANTIS à LIGNO DEI.
M. D. C. XLVI.

CRACOVIAE,

In Officinâ Typographicâ Chriſtophori Schedelij,
S. R. M. Typographi.

De benedictione Domini ter-
ra eius, de POMIS CÆLI, & de
POMIS fructuum SOLIS ac
LVNÆ.

Deuter. XXXIII.

-- Et Honos erit huic quoq;
POMO.

*Mantuanus Vates
Ecloga 2. v. 53.*



393926

—
M



AD SERENISSIMAM
LVDOVICAM
MARIAM

Polonorum & Sueciæ Reginam,
AVSPICATO INAVGV RATAM.



*Profectum Tibi diuinitus, non proiectum à
Fortuna POMVM, existima Inaugurate Niuernen-
sum Sanguis AVGVSTISSIMA LVDOVICA.
Non ita prodiga est illa hera, vt aureos proiciat regni
fructus: eripere facilius quàm offerre. In Te verò benefi-
ca qui esset? quam nec comitem ad regnum habere, nec
prodromam voluisti; inuidam aliis tibi etiam subira-
tam, vel eo nomine quod Tuo eam exclusis comitatu, interdixeris Gyna-
ceo. Nihil in Te fatorum potestati permissum est, posteaquam Ae-
ternitatis orbem in POMO AVREO adumbrasti. Luserit hactenus in capita
Principum leuis Dea, desister ludum ludere insolentem sub Principe LVDO-
VICA. Fregisse vitream, contumacem domuisse multis contigit, fallacem e-
luisse Vni quod sciam LVDOVICAÆ. Circumspicite vos in spem
geniti Libertatis, acta sub iugum Campi Domina, ex quo campum Polonia a-
diit Campestris Heroïna. Fortunam in manu gerit VLADISLAVS, tu simu-
lacrums fortune. Discant ex Te Ciuibus imperare, quicumque,
Partiti versant populorum Fata, manumque
Fortunam fecere leuem*

*eodem & videndi in folio & ridendi. Canet Palinodiam Sors & Casus
MARIAE moribus eruditi. Nomen hoc fatale est & vicibus & viriis.
Qui enim autem Volubilem sortis aleam Tuo inflecteres arbitrato, quæ libera-
mentum arbitria Tuo Honori inclinasti. dum enim nostris morem gerimus
desideriis, Tuae volentes obsequimur maiestati. Verè flexamina Princeps! quæ*

eodem temperamento animos moderaris, fortunam cœrces. Et fuit hoc quidem facilitatis ac indulgentiæ Tuæ, ne procul à solio abessemus; adeoq; auspiciatissima inauguratio Tua recentem crearet Apollinem, subitos inauguraret Oratores. Itaq; Gonzaganas suspicimus AQVILAS, mores in Tecum Maioribus veneramur, Solii vel umbram colimus, diadema adoramus; ceterum POMI dulcedine capimur, fulgore perstringimur pariter & inuitamur. Sceptra & Coronas versare, felicioris ingenii negotium est. Magnæ Maiestatis tractatori cômune cum Scrutatore periculum intercedit ne succumbat. At quàm indulgenter cùm spargeret in publico beneficia, POMVM in nos AVREVM proiecisti; ut quod antea Basilicis* Gratiarû manibus tractatum est, idem eruditis Musarum digitis contrectetur; metuentium sollicitè, ne cùm diuturno Maiestatis vsu iam splendescat, impositâ styli asperitate deteratur. Ita ne longè exquiramus, vltro ad nos aureum deuoluitur argumentum. Magnifica aliorum fames, ambitioso gaudeat apparatu, Religiosæ parsimoniæ satis POMVM. E Minimorum Collegio Ciuium cùm simus, grandioris congiarij vix egemus. Infastos humanæ felicitatis relaturi, si Auræ Libertatis primum fructum votis & calamis regustemus. Primas Honori Tuo mensas occuparunt Primi, quibus, ut præirent, non animi plus inerat sed fortuna: futuri & nos non vltimi, si quantum desiderij, tantum & facultatis habuissemus. Nostra nos pauperies reiecit ad postremos, non voluntas, aut religio erga Reges. Neque tamen idcirco prohibemur, quin facti ex paruo vectigales, Bellaria quod vnum superest, inauguratæ apponamus Maiestati. Dignum illa Tuo Honore opsonium, nisi de Tuo impertieris non inueniet. Artaxerxes cùm malum Punicum solito grandius à quopiam oblatum humaniter accepisset: Per solem, ait: ego eum, vrbe, si parua data sit crediderim citò amplâ redditurum. Quātò hæc aptiùs Rex ille Nostræ Principi tribuisset; cui nihil tā mediocre obtuleris, quod ad suæ gentis altitudinis non attollat; tam obscurum quod vibranti radio non accendat. Nascatur ille sub malo Punico ad malum publicum, Tu auream Aetatem AVREO polliceris in POMO, non acinos conseruante sed Ciues. Fruere interim aureo hoc Felicitatis Tuæ auctario fortunatissima Gonzagarum. Destinata Aeternitati, cui non aureo Aegyptiorû circulo sed POMO AVREO prælufisti, illud ipsum secuturis ex te Nepotibus (sed serò) porrectura.

* Tres
Annæ
Polono-
rum
Regi-
næ.

ITASVÆ ANNVIT LVDOVICÆ, TVVSETNOSTER
LVDOVICVS.

R. Alo
ysius
Gonza-
ga, Soc
IESV.

Adeste



ADeste Liberi quotquot estis
MATREMPATRIÆ CORONAMVS.

Cælo accessit **AVSTRIACA**
Vt Sceptro succederet **MANTVANA**

Liberis vocata suffragiis

24. 44. Quia ad Regnum **Libertatis.**
Nascuntur alibi Principes, hîc leguntur.

MVLTVM INTEREST

Sortiatur quis an eligat Regnatuross.
Nascendi fortē Regibus non præripimus
Nostrâ etiam gloriamur.

Natura Reges inchoat non absoluit.

Magni Sanguinis magna successio
Sed maior Meritorum.

Non sola euadis ad Solium

LVDOVICA

Orbis de Te iudicia tecum trahis.

Nunquam solitaria minùs est Maiestas
quàm Fortunæ arbitris manu-missis.

Ad regnum quæsitâ es extra regnum

Vt patriam extra patriam inuenires.

B

Nata-

Natale est omne virtuti solum;
Nusquam illa nisi domi suæ Coronatur.

SCEPTRVM

Quo fulcis Poloniam
Fragile ne suspiceris,

Ipsius^d CONSTANTIÆ manu temperatū est.

a Constan
tia Austri-
aca.

Idem leue ne crederes,

Iam olim pondus accepit

A manibus VLADISLAI.

Longas esse Regibus,

Nostro etiam graues manus

Didicit leuitas perduellium.

SCANDE IAM

AVGVSTA Sarmaticum AVGVSTALE

Vel per vota subditorum vel per colla.

Quanquam

Ne Ciuium colla calcares

Victor prouidit VLADISLAVS;

Dum

Pro Solii gradibus

Capita supposuit Tyrannorum.

Calca fastus barbaros, Lunæ insistens Othomanicæ:
Fatale est, lunas obteri à pedibus MARIANIS.

SERE-



S E R E N I S S I M Æ
 L V D O V I C Æ
 M A R I Æ G O N Z A G Æ
 P o l o n o r u m & S u e c i æ R e g i n æ

Magnis ad magnam Gloriam progressæ itineribus

F E L I C I T A S C O R O N A T A .



Aturum Honori Tuo, quia nec
 Tu Honori immatura, POMVM carpe Fortunatiss-
 sima LVDOVICA. Aliter gloriosa laudum fa-
 mes non expletur nisi depromptis ab Honore
 alimentis; Tributarius ille Virtutis Tuæ cū
 esset explorauerat omnem aditum, si quo
 pacto ipsam Fatorum Præsidentem Tibi redderet
 Vestigalem. Et personuit illa tandem fragore catenarum, quæ ca-
 tenatos traxit ante currum Reges. Verè solers, & lynceus in vtram-
 que partem Honor! quòd & publicis morem gesserit placitis, & Te
 ad honorificam Sarmatiæ deditionem inclinârit. Nondum tamen
 recessit in statiuâ. nouis gloriæ stipendijs locupletatus, ac rio-
 rem adoritur aduersarium, si monstra desint honorato Herculi, at
 non astra. Quæ ad expugnationem fortis accinxerat, opponit im-
 mortalitati latera. Non Annibal ad portas est; neque de pace Pyrrhi
 agitur. Belli causa es Heroici, Lauinia Mantuana! vel ideò Victori
 Populo destinata, quòd præuium Tibi Merita certamen ediderunt.
 Desudant pro Te hoc in agmine colliquentes ad splendorem ceræ,
 neque Regum genus tantum, & genius; Verum ipsa regni decora,
 SCIRPVS LILIIS, Aquilæ Aquilis foederantur; ipsius de Te cæli iudi-
 cium, si ita opus sit consulturæ. Honori concredita Perennitati refer-
 uaris. Li

uaris. Liberrima hæc captiuitas, nisi Tui pretio non redimitur. qui certantis de se Famæ exercitu nititur, armis inclinare Sceptra, non magnoperè allaborat. Capax Heroinarum regio Tuis angusta Meritis ne esset, magnam oneris partem ad Aras, & Capitolia Sarmatiæ depoluit. Vbi Equestrem Domitiani statuam, Rhenum calcantis, eo superas Titulo, quòd, ad solida regni subsellia figis pedem. Sentit Regia Curulis cui succumbat. Veterum se Heroinarum imaginem gestare arbitratur, quia quot radios, tot in retro-acta magnanimitatis delubra Vmbras proiciis. Inter felicitatis nostræ omina reputamus, quòd è collisâ armis Galliâ Pacem tamen aduexeris. Ipse ferri strepitus hilarem Tibi cecinit Hymenæum. Illi videlicet seruabaris, qui sibi pridem ante cùm fecisset ad superos Vi & armis Viam, hoc demum egit, vt supremam trophæis impositurus coronidem Te vocaret ad Coronam, Domitor Septemtrionis VLADISLAVS, haberetque in quam regni decora, Senatûs Procerumque Vota & expectationes inclinaret. Excurre campestribus Olympiis Niuernensium Ducum sanguis. Regnum quod occupas bellatrice Amazonum fortitudine afflatum est. Tot æmularum cineres calcasse, sufficiet ad triumphum. Cessisti optabili Europæ suffragio, non quòd metueres, ne pyramidum fastigia declinanti præceps accideret ruina, sed ne Illustribus Reginarum oraculis fides tardior eueniret. Lugubri deiectis funere Procerum vultibus, concolor soli Maiestas debebatur, quam Vix oculis permensi sunt, illicò gestientes animos erexere. Premis & calcas humanas Vices verè Seria LVDOVICA! Nam & assilientibus vndequaque Fatis armatum constantiâ pectus obiiicis, & pleno Maiestatis supercilio blandientem respuis Fortunam. obtrudebat illa quidè (vt pronum est mortalibus diuinare) sceptrum, sed vt aliis eriperet, futura Voti compos, nisi in Te incidisset, nolentem regnare priusquàm rogareris. Non ignara suspectum esse imperium, ad quod calle iniurioso peruenitur. Ecquid autem deberes pedissequæ, quod olim Tua Tibi dignitas, & suppar animo indoles destinasset. Quanquam Tu iucundam reposuisti Fatis vicem; non in homines tantùm benefica, sed vel in casum liberalis, dum fata & occasus Austriacæ instaurasti. E cineribus Cæciliæ spes Renata. immò ne quid ad prodigium deesse videretur, inscripti Nomina Regum flores, vix non è tumulo eruperunt. Cedat nisi frangenda dedecori suo consulit Saturnia falx Scytharum, flos hic non Spinarum sepitur munitione, sed lacertorum, nec tam oppositu hortorum defenditur, quàm armorum. Deesse illi rubor non poterit, extortus ab Auroræ Verecundia. Consulatum Vatinii, nulla Veris vel Autumni Astatisue aut Hyemis vicissitudine distinctum risit Roma: vt verius Tuæ gentis insignia Temporum iniurias igno-

rias ignorant, ita certiùs florentem Reipub. perennitatem ominantur. Cætera popularium auguria vix impressis elabuntur vestigiis, Tua vberiore sese explicant prouentu, quàm polliceretur spes euentus. Nunquam excident prodigiosa illa triumphalis lætitiæ tonitrua hibernantibus adhuc Ventis tanquam classica Superis data; vt non immeritò purpureum Ver tardauerit Vernatibus iam in Polonia LILIIS. Admiratione defixi constiterant Astrorum ignes, planetarum Arbitro subuerente, ne frustra natiuum porrigeret fulgorem, vbi iam Albi regnarent soles. Diuinum quiddam est Præsentia Tua, quæ celerius squalorem ademit Sarmatiæ quàm LVDOVICO SEVERO Brabantia Principi, nox atrata seniles inuexit canos. Confluxerat cum expugnatibus Corporum Morbis Regum Terror VLADISLAVS, securus Victoriæ, quam suo haberet in sinu. An enim domesticus ille hostis diu Polono luctaretur cum Alcide? cui ad sternendum aduersarium, vt abessent armamentaria, Hippocratis myrothecium satis fuit. At enim expauerat humana æstimans vulgus, ne illa quæ fractis nubibus cruperat, tristius obrueretur Serenitas, sed obscurari haud poterat, nouæ interuentu Maiestatis. Elusa est Fatorum temeritas. patitur Polonia duos Soles. Magno Lucis impendio opus est in regno Serenissimæ LIBERTATIS. Dubitasset anceps Fortuna, quâ Te Cæli parte stellis infereret, sed in cõsortium Soli oblata es VLADISLAO. ad inuidiam quidem Pyreneorum, eodem quo regnum passu, cælum peteres, nisi magnum Reip. corpus magnâ Mente eguisset, emortuum Fato CÆCILIAE, Tuo rursus animandum. Ferunt accensum pridie cometen quâ extincta terris, cælo Cæcilia inferretur! Et sanè tragicam illam scenam vultu omnia serenante spectasset VLADISLAVS, nisi æmulus cæli esset: iudicaret quæ successuræ Consortis decorum auro caput fatali astro ad inuidiam opponendum. Ergo lugubris ille fatorum internuntius regni cladem edixit, quam ne diutius lugeremus Mantuanæ imputamus Auroræ, quæ exhaustis latè nebulis tantum splendoris natalitij Poloniæ impertiuit: quantum ad inuehendâ orbato orbi lucē satis foret. Perge GONZAGA Liberis Auibis, quia Polonis, quò Te Tua Virtus promouet. Vexerint superbæ Aues Iunonem, Leones Cybelen, Tibi Aquilæ destinantur, seu Mantuanas malueris, seu Polonas. Tuis vtrasque auspicijs intentas, post apothecosi etiam seruituras. Diu pertinacem Competitoris auri ambitionem, alto aspernabâre supercilio: neque tamen effectum à Te est, vt aurei Arietis cessaret oppugnatio, quæ ipsa Tui dissimulatione alebatur. Ambigebat superba metalli iactantia Tuæ frontis Maiestatem, vt ambiret. Et quemadmodum coronatus Regum apex, publicæ est incolumitatis propugnaculum, ita Vicissim Fides Populorum, optima(Cy-

mæ (Cyrieffato) excubiæ, Principum securitati admoventur. Nusquam securius Maiestas, quam in sinu Poloniæ obdormiscit. Cui enim uerò augustum felicitatis Tuæ in publico ornandæ munus obtin-geret, dignius, quam aureæ LIBERTATI? Exteris Principibus non adimere, sed offerre diademata Polonum est. Et iis præterea offerre manibus, quæ cruentas Thracum Lunas inter spolia dilacerant, uti-lius quam olim conuiuantium circuli secundis illatam direptamque mensis Carthaginem; facturi è re sua si non illā Hymettiam, sed stu-diis asperrimam bellicis lacerassent, nati ad bellaria non ad bella.

Campestres bene Sarmatæ

Campo bella gerunt

ad congressum aptiores, quam confesum, debellaturi sed non super mensā Alexandrum. Quid Tu Pacis arbiter VLADISLAE? quo nemo vel bello securior, vel pace felicior ad prodigium vsque fuit! quam sæpè detractis Fortunæ armillis insigne Regium inaurasti. Meruisse coronas generosæ. conseruasse magnanimæ. contulisse benefi-cæ indolis est. Aurea toties ferro composito sæcula fecisti, eadem nunc in Consortis capite repræsentas. Arcem consiliorum, aurum petit. in tuto futurum, si ad elaboratam ex auro Mentem peruenerit. Impar tamen est auri fulgor Tuis Virtutibus MANTVANA. Non erubescit ab ijs flagitare suppetias claritatis, quibus ritu simili Ho-nor ceruices acclinauit. Diuisum cum Ioue imperium Domitiano fors fecit, Tuum coniunxit cum Numine VLADISLAI. Coronas aliorum capiti leuiter imposuit, ut leuius detraheret, sceptrâ insolenter dedit, ut adimeret cum dedecore. Maximè decora est illa purpura, quam regnandi abstinens colorat verecundia. Capacem felicitatis manum sceptro admoue Felicissima MANTVANA. Adorent ridiculam Vul-cani diuinitatem in sceptro, superstitiosi Cheronenses, commentitiâ religionem à Principum folio remouemus. haud ignari manus Re-gias Diuinitati esse finitimas, ut quæ vbique suam vel inueniant for-tunam, vel effingant. Nullo melius in regno securitas dominatur, quā ubi Iagelonum sceptrâ, Pacis Interpreti Columbæ perennem fixere stationem. Ominatur Septemtrio tantum se tranquillitatis habitu-rum, quantum in sceptrâ Sarmatiæ Venerationis. Firmius id Ancile est, quam quod Vestæ excubiis continebatur, quo saluo, salua Roma-norum Urbseuasit. Terrorem incutit dum vibrat maiestatem. Pa-tere interea CORONATA Polonorum FELIGITAS cum Pomi Aurei, Ramo Aureo, immortalem laurum augusta inter insignia Tibi porri-gis; a spectabilem orbi datura metamorphosim, Lauro in Aurum transeunte.

AVREIS REGVM ANIMIS

Æterna cum Auro Metallorum Principe necessitas intercedit. Vestra vobis offerimus Principes, dum à Vestris mutuata Insignibus POMA AVREA Venerabundi redhibemus. Frustra vitem auream gestat Xerxes: Aurea temulentus fortunâ, ebriam non faciet Fortunam: quæ vitem ei porrexit ut vitam eriperet. Caterùm, torqueat alios auri Sacra fames, nos Tantali veriores, POMI AVREI aureo exercemur tormento.

O D E I.



Egale Regum Mentibus Aureis
 Debetur Aurum. duplici personet
 Fortuna quantumvis metallo,
 Æris, & asperitate ferri:
 Inuieta mucro brachia, Martium
 Decetque conus non coma Verticem,
 Thorax lacertos. At Liburnis
 Montibus ambitiosiore
 Natura glebam Regibus eruit;
 Quæ frontis altam pyramidem petat,
 Quæ vincat armillas, & æquo
 Circumeat diadema gyro.
 Sortem Potentes in manibus gerunt,
 Quos vel Coronæ nobilis ambiit
 Æternitatis æmulator
 Circuitus, vel Honoris Aurum.
 Tibi ô vetustæ Gloria MANTVÆ
 Inauguratis Lechia Regibus
 IN LANCE LIBERTATIS AVREÆ
 Porrigit Imperiale Pomum.
 Et iam prehensum Regificâ manu

Augusta Lucis fulgura duplicat,
 Auctoque certatim Sereno
 Trans Asiam Libyamque, binos
 Dispensat ignes. Thracia cominus
 Euerberandas Cynthia palpebras
 Reflectat. Est pomum Fenellæ
 Hic etiam, iaculis refertum!
 Quod non avaris Hesperidum plagæ
 Excreuit hortis. quod neque Tartara
 Scrutatus Alcides petisset,
 Tænario neque ductus antro
 Fumantis exul carperet Ilij.
 Aurata Lechis, ferrea Thracibus
 Portendit argumenta Sæcli
 Non sine Concilio Deorum.
 Te, grande Pomum! non Draco peruigil,
 Centum nec Argi lumina sepiunt;
 Sed Ciuium tranquilla virtus
 Perpetuâ statione seruat.
 Qui Sceptra sæuis protegit arbitris,
 Timet timentes. quæ pepulit metum
 Secura Maiestas, quietâ
 Collocat excubias in aula.
 Sed Regiarum est hæc nota Mentium
 Patente curas pascere Publico:
 Et in secuturis Nepotum
 Viuere, vel meritis, vel armis
 Sceptrumque eâdem tradere dexterâ
 Post nascituris, quâ licuit geri.
 Carpent INAVGVRATIONIS
 POMA, Tui LVDOVICA Nati.



Mpatientes limitum Coronæ, dicendi limitem, non admittunt AVGVSTISSIMA REGINA. Nec eget gloriæ temperamento, diuina morum quam in TE suspicimus, moderatio. Erant qui trophææ Milthiadis experturi obscuris diem noctibus permutarent; nescio enim quo pacto lucubrata vigiliis gloria limatiùs enitescit, adeoque gravior accidit fama operosis diu decoribus innutrita. Habet tamen quidam regium nobilis labor, quòd quemadmodum

*Paucæ sequuntur
Innumeras Aquilæ Columbas*

Vno certamine ingentes laudum copias sibi vel deuinciat vel deuincat. Nemo ante arripit palmam quàm gladium. Graue titulis nomen Mars imponit. Frustra Principes, Urbium Capita nuncupantur, nisi aut cæsorum in acie capitum acervos calcauerint, aut manubiiis hostium Capitolia impleant. Dicêris meritò PERAVGVSTVM Regni caput SERENISSIMA LVDOVICA Cui hostium nutant capitadum nutant VLADISLAO. Excessisti Zenobias & Semiramides, alteram Palmyriensibus verè palmarem, alteram Babyloniis imperantem. nunc verò Illustre siderum iubar extinguis. Celerius claritatem inuexisti Poloniæ, quàm Sol Orbi diem. Ille quidem nunquam terris exulat, inuoluit tamen persæpè obscuratque supercilium, TIBI idem fulgor, & quamuis è propinquo, maior TVI intenditur Veneratio. Vitrea Fortunæ effigies Tui operis artificio solidior euasit, & quæ Appelleâ manu sedens fingebatur, TVI metu stare cogitur. Nullam admotis belli machinis Urbem quatis, Ciuium tamen obsidere pectora non cessas. Itaque dum Obsidionalem mereris, Ciuicam accipis, inpromerendis insignibus expeditior, quàm laborantium ingenia artificum in fingendis. In Daphnidis abiuisse (ipsis prope è laureis cõflata) videris simulachrum. Nō absque felicibus euenit Auspiciis, quòd Imperii clauum exceptura,, Urbem Famâ, portuque celebrem adieris. Nihil pelago fortuitorum capacius: ad eius tamen littora tranquillam fixisti stationem, altera nauigantium Pharus. In publico gentium Emporio experiri, quanti æstimareris Voluisti, Sarmatici Regni pretio & votis Ciuium redimenda. Scies remoto coniectore, non fugacia Tantalipoma Tibi porrigi. Vltoris inferi figmenta iis rectius attexantur Principibus, qui reâ dedecoris ambitione Thebanum in morem, posteris adimunt regnandi potestatem. sæpè tumidis palatiorum in lacunaribus, ad speciem globi aurei instabiles fata effor-

D

mant

mant pilas, eodemque Stylo paries, & sceleratus notatur Princeps.
At in hoc aureo Fortunæ orbe, veluti carceris ergastulo constricta
includis fata. Alienis imminere dispendiis non vacat, quem sua tor-
quet acerbitas. Et publica odia priuatus explet dolor. iniicere com-
pedes Hellesponto præceps impotentia Xerxem impulit, obstringe-
re vinculis Fata, TVA persuasit Fortitudo. In vnico Pyrrhi vnione ly-
ras & nomina Musarum, in Tuo signifero æternitatis Pomo ordinatissi-
mam Pythagoræ lyram, mundum perspicimus exsculptum. Eò ma-
gnanimitas TVA mobilem sortis rotam coëgit, Ixioneas illicò in fabu-
las abituram. Ecquid autem casûs ruinam formidares, ipsis impera-
re periculis non ignara. Omnem Honoris com meatum exhaustisti,
nihilque superfuit quod TIBI offerret Honor, Regalis POMI obsonio,
nunquam in fracti vigoris, quia nunquam non Poloni. Vsque adeo
Elysi horti immortale POMVM, primæuæ felicitatis æmulatrix TVO
adumbrasti in Regno. Excitetur quantumuis aureo colore Taurus
Libyæ, (quandoquidem omnia quæ ad rabiem Natura composuit,
quouis metu percelli necesse sit,) collisi tamen franguntur impetûs
antequam frangant. Arsisse Urbem Bizantinam haud pridem ante
accepimus. Arsit videlicet non flammis sed pudore; postquam Sar-
matia securitatem erubuisset. Vno lapsu & admiratio & metus op-
pressit irruentem Scythiæ ductorem, vt quine nomine pollicebatur
integritatem, TVI percussus Famâ, integram relinqueret Lechiam.
Fortunatius censuerim Imperium, pro quo hostes belligerant, quàm
quod patriis tantum recumbit in lacertis. Disceret captius oriens
libertatem, si à libera gente regeretur. In Moscho nihil aliud punire
barbarus vlcisci que voluit, quàm quòd non eosdem erga TE cum ar-
mis animos induerit. Seruile gentis ingenium, dum electo quondam
negat Vestigal Imperatori cedit in spolia Musurmanno. Colligat in-
grata natio sparsas toto orbe iras, pedestribus fidentem fugæ suppe-
tiis Scythiam inuestiget, nemini incussura formidinem, donec Polo-
nam induerit mentem. TIBI interim nata ad Fasces & Fastos
LVDOVICA ruinæ populorum aggeris instar sunt. Hæc perges quâ
TE diuinior inuitauerit Apotheosis. Vt nec sine prodigio omnis in TA
fita sit bonorum acies, vel nomen in TE reuerita MANTVANVM.
Quid illa residens, innubi vultu Maestas? turbinum Reipub. ter-
ror est: quid concolor cælo Serenum? quid gemina oculorum astra?
non inter morituram promittunt ætatem: Quid castigata ad splen-
dorem facies? clarissima Principum fax, flammam hosti, lumina pro-
fert Patriæ. Insolens videri non debet, quòd supplex honorum agmè
TIBI accidat, plus à TE percipit quàm confert ornamentis. Tunc
primùm decorum, cum TVA illi decora impenderis. Ipsum illud Re-
gum Bel-

gum Bellarium, non citrà magnam pulchritudinis euadit accessio-
nem. Erudiebat antea Reges, nunc à Te eruditur. Tantùm illi dul-
cedinis instillasti, quantùm perceperas à virtute. Multum enim debet
Clementiæ TVAE. quæ magnarum præcipua mentium laus est. Sæpè
quòd seuerior amisit, lenis extorsit animus. Nulli faciliùs victoria
cedit quàm lenitati. Ramos aut folia sine fructu gerebant
triumphatores: quercu aut oleastro, aut vittis palmaribus, viri pal-
mares coronabantur. Ampliùs eos potuisse crescere ipsa præmia
designabant. TVAE verò virtutes, Pomo Aureo insigniuntur. Tam
amplæ, vt in obeliscos excrescant. Quin & oculum vniuersi æmula-
ta, Regni exordium auspicata es, cùm plenior dies auspicatur suum.
Magnis voluitur fluminibus Felicitas TVA, sed non nisi Nili fæcundi-
tatem refert, beneficentiæ quàm gemmarum feracior. Exundas in-
subditos munificentiùs, quàm angusta mortalium pectora possint ca-
pere. Acriori studio cui conferas beneficium, quàm alii hostem, per-
quiris. Solius memor vbertatis latentia rerum Semina non vestigo;
minas & iurgia bellorum non vacuus præfagit rumor. Sed auidæ pu-
gnarum tubæ inter triumphos conticescunt. Dispar est Ciuium, & Mi-
litum sonus: at si *Ingens bellum animis alitur, bellum intonat ore*
eadem dextera steriles hosti ramos porrigit, quæ TIBI POMVM Au-
reum. Barbaris Hymetti Ciuibus nihil perniciosius LILIO TVO.
Vocem Pyrrhi exprimet ferax victoriarum, gladius VLADISLAI:
facile Orientem frenis exsolui posse, aut sibi Polono exercitu, aut se
Rege Polonis. Nulla auspicaciùs ineuntur prælia, quàm quæ sibi
commilitones adsciuerè Superos, Ducem DEVM. Sed antequam bel-
li classica, & cantûs Martii increbrescant, Musæ loquantur mitiores.

Sic totum gladiis postquam pacaueris Orbem
Septem-belligeri Rex VLADISLAE-Trionis,
Te meritis inuolue Tuis. Vis improba ferri
Discordes agitet terras; finisq; peracti
Sic gradus alterius semper non Meta duelli.
Tu mundi titubante solo, dum seua malorum
Ignorat Libitina modum, facundaq; pugna
Iurgia ciuiles variant sine laude triumphos:
Tu Patriæ Superisq; litas. Tibi fata quot-annis
Parturit Alcyone tranquilla silentia pacis;
Quam neq; turbo minax Dolopum, neq; perfida Moschi
Vexet Hyems, non Vrsa ferox, non Thracica Phæbe,
Dira vel Euxini raptet violentia ponti.

INAVGV RATÆ
POLONORVM ET SVECIAE
REGINÆ.
LVDOVICÆ MARIAE

E Templo Honoris redeunti

Publicâ Patriæ voce conclamatur:

AVREVM EST

Quod prendis POMVM,
Et vt aureum non efset, tu faceres

Verè Aurea LVDOVICA.

Viderit in Te concolorem Auro Animam Plato Lynceus,

Nos manum Diuinæ propiorem.

Vix tetigisti Poloniae Sceptum

Cùm auream regno faciem induxisti.

Expulsa orbe orbitas est.

Cinis RENATÆ animatus

Ferrea in Thraciam secula expedita.

Stipem à commentis non poscimus

Quando tam magnificè Midæ fabulam refutasti.

Debeant aliæ Pomum Aureum Paridi

Tu Virtutibus Tuis Virtutes cælo debent.

Detur alibi Regnum Pulcherrimæ

Hîc Dignissimæ.

Fragi-

Fragile vehiculum est ad regnū Venustatis
Deserta ab animo Pulchritudo.

Violentum Formæ imperium est:
Adeoq; soliûs naturæ tenuis habetur dos
Nisi augescat ærario meritorum.

TV LECTISSIMA REGINARVM
Etsi mundi suffragio caruisses,
Vniûs Tibi suffecisset iudicium
VLADISLAI.

Qui, vt constaret orbi, quanti te faceret,
Tuo vniûs in Capite
Tot Liberæ Gentis placita CORONAVIT.
Veneratus pariter & suâ in Te Maiestatem est
Dum sic subscripsit Tuæ.
Inæqualis magnarum mentium consortio vix accidit;
Aut si quando accidisset
Illico se ingenitæ magnitudinis componerent ad exemplū.

ITA
Heroicæ Virtutes
Heroibus tantum nubunt,
Cum Heroibus
CORONANTVR.



E

POM.

P O M P A
Regiæ Inaugurationis
Adlyram Decantata.

O D E II.



Rbes? an Orbis certat? Ad integram
Felicitatem magno opus vrbium
Est apparatus, nec minore
 Numine. Magnanimisq; magna
Sors destinatur, quæis proprias Honor
Armat Phalanges. Te IAGELONICI
 Augustal immortale Regni!
 Te Proceres LVDOVICA spectant!
Videmur! agmen truditur agmine;
Adduntur arcûs arcubus. Euenit
 De nube Fatorum refractâ
 Clarior imperijs imago!
Sinistra Sortis quicquid ademerit
Dat dextra rursus. Non ita Dardanus
 Prorupit aduentante Pastor
 Ad Phrygias Helenâ Carinas.
Minore plausûs excita classico
Tempe, marinis cùm Thetyn oppidis
 Prospexit accessisse Peleûs;
 Ancipitem pepulêre luctum.
Vt gratulantis castra Poloniæ
Stetêre circûm. Quidlibet aureum
 Est MANTVANA, laureumque,
 Quod premitur moderante Sceptro.
Midæ erubescit dextera, cùm Tuæ
Vibrant coronæ. Velleris aurei

Non Ar.

Non Argonautis ampla debes,
Sed Lechico simulacra Regi.
Qui bellicosus Colchida passibus
Peruasit, ipso maior Iasone,
Hebrumque, Pontumque, & cruento,
Diluerat Mareotini amni.
Cælo propinquis fulta curulibus
Euade Princeps ad Capitolia,
Tecum coronetur Satelles
Fama, tuum comitata regnum,
Factisque fastos, sæcula Temporum
Capace ferto magna Rhetelii
Heròis imple. Sola grandes
Non capiunt Animos metalla.
Infanda quanquam vota Caligulæ
Damnas, Quiritum qui cupijt necem
Ceruice complecti sub vnâ,
Ne gemino peteretur ictus
Septem-Trionis colla tamen super
Figis colossus. Terror Achaiæ
Qualem VLADISLAVS Chocimi
Ponè Dacas sibi fixit arces.
Effulgurantem quæ nequeunt globum,
Globi sed Vmbram Sidera porrigunt.
Sic Te per extremos volentem
Oceanus Veneratur Orbes.
Oraculorum non eget Arbitro
Clamore, quisquis conscia gloriæ
Postquam paludamenta Regum
Induit, exuerit tumorem.



Naugurationis Tuæ splendor AVCVETISSIMA
REGINA, lucem intendit Sarmatiæ ad Amorē
pariter ac terrorem. quatenus intorquentem
oculos Asiam exurat felicius, quàm Prætoriam
Classem Syracusani CrySTALLUM Archimedis :
Romanum ille cinerem pelago miscuit, hæc
cinere pascetur Bizantino. clementior tamen
radius Tuæ frontis; dum Censorem percellit o-
culum, peruadit animos. Primum Tibi negotium ô Princeps deuin-
cere subditos, quorum subacta nutu pectora deducis in triumpho: ita
tamen vt captiuorum inclinatione Arcum non flectas triumphalem.
Idem lacet & lacertosus hostis vix proruit supplex, cùm Cynegyri
morsus cogitat, qui vtrâque ademptâ manu hostiles, admordit naues.
non eâdem prolapsione impatiens vinculorum ira, quâ corpus expu-
gnatur. Et inter proiectos in terram lacertos robustior adsurgit au-
dacia. Nobilium at verò Mentium acclinatio mites Tibi inclinat ole-
as. Desciuisse à communi omnium arbitrio credendus est quisquis
Te MATREM PATRIÆ non agnoscit. Agnoscis enim Polonæ LI-
BERTATIS verè liberos: vt Liberos habitura. Nequaquam in Deo-
rum familias irrupit, cùm Te Matrem Patriæ dixit. quanquam nec si
Te Regni Numen vocauerit, Numinis integritati derogabit. Super-
uecta naturam Virtus Nobilissima Diuinitatis portio est; Regumque
effata Regnorum censentur oracula. Non sola bellorum fulmina Di-
uinum Regibus inducunt Nomen. Princeps Legum Æquitas & mo-
deratior Animus, egregiæ diuinitatis notæ. Alios quidem vetusti ge-
neris longè deductum agmen, ambitioso fastu fabulosos inter Numi-
num fastos pertraxit, alios furor; ne aliundè quæreretur amentiae si-
gnum in Furias decreuerunt. Æquius Tibi Diuinam attribuerim in-
dolem, cui non ex sanguine colubri discerpto ore demurmurant victo-
rias, sed alia non humanæ æstimationis iudicia obtigerunt, postquam
cælo Sarmatico successisti. Solem Tibi coronatus vertex, astra, Se-
natus, Zonam exprimunt balthæi militares. Transfusa in Te sunt Re-
gum Reginarumque Numina, in quorum & sceptrum & virtutes trans-
fusi. Superas maiorem suo tumultu Vandam Principem, cui patrocini-
natus Vistula vitam hausit, vt non demersam fluctibus gloriam affun-
deret. Dignam suo nomine Constantiam, & solio æquas & animo;
quæ Tibi eam quâ nominis magnitudinem immortalitate compara-
uit, reliquit ad Honorem. Errare naturam dixerit non nemo, quod
muliebres Animos Virili obarmet fortitudine. Nequaquam hic in
Sarmatiæ Reginas error cadit. Bellatori Populo Camillas conuenit
imperare

imperare. Imbellem nemo obtrudat, vbi nihil non ad prælia adole-
 scit. Si Europeos recordaris Alcidas, verè memores reliquit annos
 ille trophæorum erectior, non aliis ad superos prouectus, quàm quæ
 sibi erexerat triplicibus columnarum signis. Meminit illa Regni su-
 percilia STEPHANOS & AVGVSTOS, meminit Pacifica Polonia, quos ar-
 mata suspexerat SIGISMVNDOS, sed quoniam sepulchris Virtus non
 obruitur, fortunatiorem eo RENATAM quòd in Te superstitem se
 reliquerit. Cuius nunc Regali super Mausolæo, qui antea vocem ex-
 hauferat, mitigatus iam dolor Heroicas ducit lineas, vt dum subli-
 mes LVDOVICÆ eriguntur moles, & CÆCILIAE coronati Manes tri-
 umphent in memoria subditorum.

Occidis ante diem spes intercisâ Tuorum,
 Occidis! abnimum consortia nubilis Agni
 Accelerans Diuûm Quibus ignea lingua Cometes
 Varsavios inter præluxit pronubus ignes
 Fax nostrò funesta solo, sed debita pulchræ
 Prodroma virtuti, vel mentis Eous aperta,
 Non mutus Regum Cinis est? hæc funera Regni
 Vulnera sunt, grauiusq; grauem trahit Vrna ruinam.
 Interea ne quid Pietas non ausa videri
 Possit, & effusis non prodiga censibus. Ipse
 Busta locat Lysppus Amor, luctusq; Myronem
 Assimilat, Polycletus Honos opera ardua tornat;
 Praxitelesq; Dolor, lacrymabile Mausolæum
 Stare iubet. Scopulis tripliciq; perennius ære
 Phidiaci supplente fide monumenta laboris,
 Funerea iuga celsa pyra, caloq; propinquos
 Pyramidum fastus. Te vectigalia nec dum
 Regna satis fleuere: satis non Austria luxit
 Dotales duplicans lacrymas. Quin Manibus altis
 Viua parentalem percoluit gloria famam,
 Triste sub exemplum Lechiæ sua damna querentis.

Ad triumphalem Tuam Inaugurata Maiestas aciem iterum an-
 hela deuoluit oratio, verita ne lamentis plausum violet. Quanquã
 felicitas Tua è planctu plausum excitat; nec vulgaris lætitiæ alimen-
 ta sunt lacrymæ. Intelligit Pacificator mundi VLADISLAVS restitui
 vberiùs quàm eripi fortunam, dum Te sui facit Consortem diadema-
 tis, magno utique Pompeio maior, qui supplici Tigranis capiti abie-
 ctum diadema reponi iusserat. Æquè magnificum est & vincere Re-
 ges, & facere Tempia inter & Aras, non pretium Religionis vt Sicu-
 lus ille detractâ Ioui Olympio veste diminuis, sed auges, pretio non

E

aliundè

aliundè petito, quàm à Corona VLADISLAI. Regem dixi, Domi
Purpurâ cæde hostium quàm conchyliorum clariore, Bellis thorace,
apud exteros leonum exuviis decorum. Inuictis quidem Mentibus
impar ea chlamys: sæpè enim timidis leporibus lusum dedit, quos in
ore ludentes gestârat leo, aut gladiatoria prostratus occubuit in are-
na. Attamen ubi hosti defunt spolia, detrahenda sunt belluis. Quæ
Regû fortissimus tunc detraxit, cû æstiuo leone solis curricula mode-
râte Vltrâ Tyrâ castra iecisset cõpedes barbariæ iniecturus? Dignus
cui Veneti supplicarent Leones, perculsumque pelagus lacertosæ
quia sibi incumbentis Venetiæ curam imponderet. Audaciùs cate-
ræ gentes minora velut Numina antè Tuos proruent vultus Europæ
Seruator; quandoquidem (ore veterum loquor) Tuam opem Nereus
implorauit Vt nihil non plenum Tui nominis Gloriâ relinquas; ma-
ri opè non denegas. Inpleuisti iam grauè Zoskieuiis, Chodkieuiciis
Chmieleciis cælum. Stygi etiam hostiles ad terrorem obtrusisti ho-
stias, nunc metu Tuo pontus tumultuatur, famæ Tuæ adsultat Adria,
Vela, remique non latisfaciunt excurrenti, nec triremibus nec fiæto
capitur, latius exundat, quia Tibi Tuæque nauigat LVDOVICÆ.
Pergite Ionium vltrâ Arabiumque mare properantibus gloriâ, cari-
nis, Reges Augustissimi. Euxinum & Balthicum Vos non capit. Mi-
tescent barbaræ vrbes cum vos adspexerint, Et elingues in cinere
Athenæ erudientur. Extrâ Orphei fabulam siluestres Populi Vestræ
applausum debebunt citharæ Clementiâ quàm fidibus temperatori.
Gratiis etiamnum Platonem. naturâ Stagiritam, moribus Socraticæ
feueritatis Viros lacefsitis. Nulla ars, nulla disciplina, non Vberem
de Vobis disceptandi materiam habet, solius Poëseos & Eloquentiæ
ea fors est, vt illane fingendo quidem possit Vobis concolores pro-
ponere Heroas: hæc Vestræ impar magnitudini procumbat, dignè
peroratura postquam adorauerit Maiestatem.

Refloresce sub floridâ Principe

Flos POLONE.

Non damus plenis Manibus LILIA

Sed accipimus.

(nirent

Mutarunt quidem solum sed vt folium inue-

Labori inassucta

Campum

Campum diligunt **LIBERTATIS**
Confiderate agri **LILIA!**
Vt, nisi publicæ vtilitati, non laborant.
Neq; nent aliud, quàm stamina Faustitatis.

Frustra **CÆCILIA RENATA**

NACTA fueras **ÆREA LICIA** Anagramma

Cesserunt parco pollici Parcarum.

S E D

ASSVME ANIMOS POLONIA

Fecundum **CÆCILIAE** Bustum est

De quo Ales enascitur **GONZAGANA.**

Et mirabimur

Fortes creari Fortibus?

Dum & Aquilis Aquilæ recreantur.

Faceſſat à noſtra Principe

Erratica vis Fatorum.

Cumanis haud eget Sibyllis **MANTVANA.**

Mantuanus
6. Æneid.

Absq; Ramo Aureo

Ad **POMVM AVREVM** peruentura.

Pergat Columbarum ductu Dux Troianus,

GONZAGARVM AQVILÆ

Nec à Cælo exerrant nec à Sceptro,

Aſtris **ALOYSIVM**

Regnis importarunt **LVDOVICAM.**

F 2

Obſer.

Obseruet ille Genethliacus augur Aquilas

Philipp.
Maced.

Suos & Nostræ portendunt ALEXANDROS.

Pellite Romani Anseres Capitolio.

Aquilæ
custodes
Corporis
S. Stanis.
Mart.

Sopitis illi obstrepunt, hæc aduigilant & extinctis.

Secure obdormiscit Maestas

Vbi Reges Alitum Regni excubant in Salutem.

Vehatur Lyncibus Ariadna,

Tu remigio A Q V I L A R V M:

Nisi malis prouehi fide Cælitum ad Coronam...

PROGREDERE

Per tot discrimina Trophæorum

In Latium SPEI PVBLCÆ.

ASCENDE

Per Seruilia barbarorum Capita

Capitolium Libertatis.

Tritam Gloriæ passibus Viam carpe

Ad Solium non errabis.

Compendium Seculorum V L A D I S L A V S,

Compendiosos decorum calles pandit.

N O S I N T E R I M

Dum Heròica Regum Polon. relegimus Vestigia

Et Tua incipimus numerare.



